



আপনার অভিবাসন বা নাগরিকত্বের অবস্থান যা-ই হোক না কেন, কিছু সাংবিধানিক অধিকার আপনার প্রাপ্য:

- চুপ থাকার অধিকার:** আইন প্রয়োগকারী বা অভিবাসন কর্মকর্তাদের সঙ্গে আপনার অভিবাসন বা নাগরিকত্বের অবস্থান নিয়ে আলোচনা করার কোনো বাধ্যবাধকতা নেই। আপনি যা বলবেন, তা অভিবাসন প্রক্রিয়ায় আপনার বিরুদ্ধে ব্যবহার করা যেতে পারে।
- কাগজপত্র প্রদর্শনের বাধ্যবাধকতা:** আপনি যদি একজন মার্কিন নাগরিক না হন এবং কোনো অভিবাসন কর্মকর্তা আপনার অভিবাসন সংক্রান্ত কাগজপত্র দেখতে চান, তবে আপনার কাছে থাকলে সেগুলো দেখানো বাধ্যতামূলক।
- তল্লাশি প্রত্যাখ্যানের অধিকার:** কোনো অভিবাসন কর্মকর্তা যদি তল্লাশির অনুরোধ করেন, তবে আপনি তা প্রত্যাখ্যান করার অধিকার রাখেন। তল্লাশি চালানোর জন্য তাদের যুক্তিসঙ্গত কারণ অথবা আপনার সম্মতির প্রয়োজন।
- পরিচয়পত্র বহনের নিয়ম:** যদি আপনার বয়স 18 বছরের বেশি হয়, তাহলে সবসময় আপনার অভিবাসন সংক্রান্ত নথি (যেমন গ্রিন কার্ড, ভিসা) সঙ্গে রাখা বাধ্যতামূলক। যদি তা সঙ্গে না থাকে, আপনি নীরব থাকার ইচ্ছা প্রকাশ করতে পারেন বা কোনো প্রশ্নের উত্তর দেওয়ার আগে আইনি পরামর্শ চাওয়ার অনুরোধ করতে পারেন।

এই অধিকারগুলো জানা অত্যন্ত গুরুত্বপূর্ণ, কারণ এগুলো আইন প্রয়োগকারী এবং অভিবাসন কর্মকর্তাদের সঙ্গে আলোচনার সময় আপনাকে সুরক্ষিত রাখতে সাহায্য করে।

যদি কোনো অভিবাসন কর্মকর্তা আপনাকে থামান, তখন কী করবেন

থামানোর সময় আপনার নিরাপত্তা এবং সুরক্ষা বজায় রাখা অত্যন্ত গুরুত্বপূর্ণ। নিজেকে সুরক্ষিত রাখতে আপনি কিছু পদক্ষেপ নিতে পারেন।

শান্ত এবং ভদ্র থাকুন: এমন কোনো আচরণ বা ভাষা ব্যবহার এড়িয়ে চলুন যা শত্রুতাপূর্ণ বা হুমকিস্বরূপ বলে মনে হতে পারে। শান্ত ও শ্রদ্ধাশীল সুরে কথা বলা ভুল বোঝাবুঝি বা পরিস্থিতি উত্তপ্ত হওয়া রোধ করতে সাহায্য করতে পারে।

প্রতিরোধ করবেন না: কর্মকর্তাদের আচরণ অন্যায় মনে হলেও শারীরিক বা মৌখিকভাবে প্রতিরোধ করা পরিস্থিতি আরো খারাপ করতে পারে। তার বদলে, প্রয়োজনে শান্তভাবে আপনার অধিকার উল্লেখ করুন, তবে মৌলিক নির্দেশাবলী মেনে চলুন।

আকস্মিক অগ্নিভঙ্গি এড়িয়ে চলুন: আপনার হাত দৃশ্যমান রাখুন এবং হঠাৎ করে কোনো নড়াচড়া করবেন না, যাতে ভুল বোঝাবুঝির সৃষ্টি হতে পারে।

সম্ভব হলে আলোচনা রেকর্ড করুন: আপনার এলাকায় যদি অনুমোদিত হয়, তাহলে আলোচনা ফোনে রেকর্ড করে রাখা ভালো হবে। তবে এমনভাবে করতে হবে যাতে কর্মকর্তাদের কাজে বাধা না পড়ে।

কর্মকর্তাদের বিস্তারিত নোট করুন: যদি সম্ভব হয়, পরবর্তীতে ঘটনা সম্পর্কে উল্লেখ করার প্রয়োজনে তাদের ব্যাজ নম্বর, পেট্রোল গাড়ির নম্বর এবং অন্যান্য পরিচয়সংক্রান্ত তথ্যগুলো মনে রাখুন বা লিখে রাখুন।

কিছু সই করার আগে, একজন আইনজীবীর সঙ্গে কথা বলুন: একজন অভিযাসন কর্মকর্তা আপনাকে আপনার আইনি অধিকার ত্যাগ করার জন্য সই করতে চেষ্টা করতে পারেন। সই করার আগে, একজন আইনজীবী বা বিচারকের সঙ্গে কথা বলার অনুরোধ করুন।

কোনো অভিযাসন কর্মকর্তা আপনার কর্মস্থলে উপস্থিত হলে কী করবেন

আপনাকে তাৎক্ষণিকভাবে দরজা খোলার দরকার নেই: দরজা থেকে তাদের ব্যাজ দেখতে পারেন এবং তাদের কাছে বিচারিক পরোয়ানা আছে কিনা জিজ্ঞেস করতে পারেন। যদি তারা না বলে, তবে আপনি তাদের জানাতে পারেন যে আপনি তাদের সঙ্গে কথা বলতে চান না। যদি তারা হ্যাঁ বলে, তবে আপনি তাদেরকে এটি দরজার নিচ দিয়ে ঢুকিয়ে দিতে বলতে পারেন। একটি বিচারিক পরোয়ানায় বিচারকের সই থাকা বাধ্যতামূলক। যদি পরোয়ানা দেওয়া হয়, তবে আপনাকে কর্মকর্তাকে ভিতরে ঢুকতে দিতে হবে, কিন্তু আপনাকে কিছু বলতে হবে না এবং আপনি আইনজীবীর সঙ্গে কথা বলার জন্য অনুরোধ করতে পারেন।

কোনো অভিযাসন কর্মকর্তা আপনার কর্মস্থলে উপস্থিত হলে কী করবেন

অভিযাসন কর্মকর্তারা কর্মস্থলে জনসাধারণের এলাকায় প্রবেশ করতে পারেন, তবে তারা ব্যক্তিগত এলাকায় প্রবেশ করতে পারবেন না, যতক্ষণ না আপনার নিয়োগকর্তার অনুমতি বা একটি বিচারিক পরোয়ানা থাকে। যদি কর্মকর্তা আপনার পকেট বা জিনিসপত্র তল্লাশি করতে চান, তবে আপনি বলতে পারেন যে আপনি তল্লাশিতে সম্মত নন।

কোনো অভিযাসন কর্মকর্তা আপনাকে আটক করলে কী করবেন

- যদি আপনার কোনো চিকিৎসাজনিত সমস্যা থাকে বা আপনি সন্তানের যত্ন নিশ্চিত করতে চান, তাহলে অভিযাসন কর্মকর্তাকে তা জানিয়ে দিন।
- একজন আইনজীবীর পরামর্শ ছাড়া আপনাকে কোনো দলিলে সই করতে হবে না বা কথা বলতে হবে না।
- একবার আটক হলে, আপনার পরিবার, বন্ধু, কমিউনিটির নেতা/আপনার দেশের দূতাবাস বা আইনজীবীর সঙ্গে ফোনে যোগাযোগ করার অধিকার থাকবে। তবে ফোন কলের সংখ্যা এবং সময়ের উপর কিছু সীমাবদ্ধতা থাকতে পারে।

অভিবাসীদের জন্য রিসোর্স

- **Make the Road**, www.maketheroad.org, 718-565-8500
- **Legal Aid Society**, www.legalaidnyc.org, 212-577-3300
- **Legal Services NYC**, www.legalservicesnyc.org, 917-661-4500
- **Catholic Migration Services**, <https://catholicmigration.org>, 718-236-3000 (ব্রুকলিন), 347-472-3500 (কুইন্স)
- **Sanctuary for Families**, www.sanctuaryforfamilies.org, 212-349-6009

[নিউইয়র্কের কমিউনিটিগুলোতে সেবা প্রদানকারী আরো সংস্থার তালিকা এখানে পাওয়া যাবে](#)